



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CLXII. Hans Schönefeld und Jaspar von Sticken quittiren das Kloster Lehnin wegen 180 Schock Böhm. Groschen, wofür sie dem Kloster ihre Besitzungen zu Mühlenbeck verkauft haben, am 10. März 1417.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

vnd ander Erber vnd glaubenwürdiger lute genug. Czu urkunde etc. — Datum Berlin dominica Inuocavit Anno etc. XVI^o.

Nach dem Churm. Lehnscopial des K. Geh. Kab.-Archivs XV, 43 (2).

CLXI. Markgraf Friedrich vereignet nochmals Mühlenbeck und Summolt dem Kloster Lehnin, am 12. März 1416.

Wir fridrich etc., Bekennen vnd tun kunt vor allen den, die diesen brieff sehen oder horen leszen, das wir got czu lob vnd vnser vnd vnsern nachkomen selen czu trost, dem wirdigen hern heinrich Apt vnd der gantzen Samnunge des Closters vnd goteshuses czu lenyn vnsern andechtigen vnd lieben getreuen vnd allen iren nachkomeligen von befundern gnaden vnd neygungen wegin, die wir czu demselben Closter haben, czu einen rechtem eygentum geben haben das gancz dorff Mulbecke Summolt mit allen czugehorunge in dorff vnd in felde vnd mit allen fruchten, nuczen vnd renten, mit ackern, heiden, wisen, holzen, wassern, vischereien, bachten, czinsen, wage-dinsten, czehenden, rauchhunern, vffart vnd abfart, mit dem kirchlehen vnd gerichtten obersten vnd nydersten vnd mit allen pflichten vnd czugehorunge, wie die genant vnd wo sy gelegen sin, nichtz aufgenomen, mit allen eren, gnaden, freiheiten, als das hans Schonfelt, Jaspar Sticken, vnser lieb getruwer, biszher gehabt vnd besessen vnd dem gnanten hern heinrich Apt verkawft vnd vor vns redlich vnd recht verlassen haben. Ouch haben wir Im vereygent in dem obgnanten dorff Molenbecke dry Stucke uff hans schulden hofe, die von (vns) vnd der Marggraffschaft vormals czu lehen geruret haben, vnd wir vereygen dem obgnanten hern heinrich Apte vnd der ganzen samnunge des obgenanten Closters lenyn das obgnante dorff Molenbeck mit allen czubehorungen als obgeschriben stet vnd ouch dy drey stucken vff hans schulden hofe czu ewigen czeiten czu haben, czu genyssen vnd geruglich czu besiczen vor vns, vnsern erben vnd nachkomen Marggrauen vnd allen vnsern vogten vnd Amptuten vngehindert. Hirober sind gewest der Erwardige herr Johans von waldo Bischoff czu Brandenburg, die wolgeboren Graue Gunther von Swartzburg, here czu Ranitz, Balthasar von wenden, der Erfam Meister Peter von heltburg probst czu Wetzflarn, der Strenge Wigles sachencke von Geyren etc. Datum Berlin ipfa die sancti Gregorii pape Anno XVI^o.

Nach dem Churm. Lehnscopialbuche des K. Geh. Kab.-Archivs XV, 43 a.

CLXII. Hans Schönefeld und Jaspar von Sticken quittiren das Kloster Lehnin wegen 180 Schock Böhm. Groschen, wofür sie dem Kloster ihre Besitzungen zu Mühlenbeck verkauft haben, am 10. März 1417.

Wie Hans schoneveld vnd Jaspar van Sticken bekennen openbar in dessem brife, vor vns vnd vnse eruen, dat dy erwardige here, her heinrik, abbat thu lenyn, heft vns van

fynes Closters weggen vul vnd al wol to dangke betalet hundert schok vnd achtendich bemescher grossen, dy sy vns gheuen scolden vor dat gud thu Mollenbeke met aller thubehoringe, alse wy dat hadden in weren vnd in lene, dat sy vns afgekost hebben vor sodanne summen geldes, alse vorbenomet ys. Vnd wy seggen on des gnanten geldes achtendich schok vnd hundert in craft dieses brifes Quyt, leddich vnd los vnd wy ne weten dy geistliken herren Abbet vnd Capittle des vorforeuen godehufes thu Lenyn nerghen mer vmme thu manen. Dit ys geschyn tho olden Brandenburg in der Nyenstad in Claus götzekens hufe. Dar sint ouer geweest dy erbarn wifen lude Bonifacius, kerstian diues, Claus flungke vnd Claus götzeken. Des thu orkunde hebbe wy ergnanten Hans schonenueld vnd Jaspar van sticken dessen brif befelegt vnser illik met fyne angehangeden Ingefelgel. Gegheuen na godis bord vyrteynhundert iar darna yn deme souenteynden Jare, an deme Myddeweken na deme Sondaghe Reminiscere in der vasten.

Nach dem Original des Geh. Staats-Archives.

CLXIII. Markgraf Friedrich verzeignet dem Abte zu Lehnin das ihm von Wichard von Rochow verkaufte Dorf Göhsdorf, am 9. Juli 1421.

Wir fridrich, von gots gnaden etc., Bekennen offenlich mit diezem briefe vor allermeiglich fur vns, vnser erben vnd nachkomen, wann fur vns kummen ist der wirdig vnser lieber getrewer herre heinrich, abt zu lenyn, vnd vns fleiziglich gebeten hat, Im vnd der ganczen sammung des gotzhufz vnd closters czu lenyn vnd Iren nachkomen das dorff Golistorff geruchen czu ueraygen vnd wan wir darinne betrachtet haben vnser vorfarn seligen auch vnser vnd vnser nachkomen selen hayl vnd felickeit willen, darumb das gotes dienst gemert werd vnd auch vmmb befunder gnaden willen, haben wir dem obgnanten hern heinrich Apte czu lenyn vnd der ganczen sammung des closters vnd gotshufzes, vnsern lieben getrewen vnd allen Iren nachkomeligen das obgenante dorff vereygent czu einem rechten eygenthum mit craft dicz briffs mit allen czugehorungen im dorfe und im felt vnd mit allen fruchten, nuczen vnd renten, mit ackern, heyden, wesen, holtzen, wazern, vylschereien, pachten, czinzen, wagen dienst, Tegenden, rauchhuner, vffart vnd abefart vnd gerichte, oberste vnd nyderste, vnd mit allen pflichten vnd czugehorungen, wie dy genant vnd wo sy gelegen sin, nichtz vzfgenommen, mit allen eren gnaden vnd freyheiten, als das Wychart von rochawe, vnser lieben getrewer, bisher gehabt vnd besessen vnd obgnanten hern heinrichen abte czu lenyn verkauft vnd vor vns recht vnd redlich verlafzen hat. Vnd wir voreygen dem obgenanten herrn heinrichen Apte vnd der ganczen sammung des obgenanten Closters lenyn das obgenante dorff Golistorp mit allen czugehorungen, als obgeschriben Stet, czu ewigen czeiten czu haben, czu geniessen vnd geruglich czu besitzen, vor vns, vnsern erben vnd nachkomen Marggrauen vnd allen vnsern vogten vnd ampteuten vngehindert, on geuerd. Hiruber sind geweest die edeln herr Wend vnd ott von ylenburg, Wirich von Trutlingen, Ritter, ott von Sliben, Contz newefetter vnd haben In des den genanten Otten von Sliben czu